

## Än Samach Taroween Tong Ngeni Kich

Kei kapas kopwe aneani, mi ennet. Repwe siwini unusen manawom, ika kopwe mochen. Pun ra feito seni netipen God. I a tongek, nge I Semom ka kukkuta unusen manawom. Ei poraus fanitom seni Semom we non nang.

*Nei,*

En, kosapw sinei ei, nge Ngang uwa unusen weweituuk. Könupin 139:1  
Ngang uwa sinei nupwen omw ka fettatiw, o uwa pwan sinei nupwen omw ka uta. Könupin 139:1  
Ngang uwa fakkun weweiti nonnomun manawom. Könupin 139:3  
Ina mwo nge Uwa fen sinei ukukun unen mökurom. Matthew 10:29-31  
Pun uwa förüketa ussun chök Ngang. Genesis 1:27  
Non Ngang ka manaw, ka mökütüküt, o pokiten Ngang ka manaw. Föfför 17:28  
Pun en nei mi achengicheng. Föfför 17:28  
Uwa fen sineek me mwen kese mwo fis. Jeremiah 1:4-5  
Uwa finuketa nupwen uwa föri fonufan me masowan. Ephesus 1:11-12  
Esap namwot muan om fisita. Könupin 139:15-16  
Pun ranin manawom a mak non nei we puk. Könupin 139:15-16  
Uwa ökköta ewe fansoun kopwe upwutiw o ian kopwe nonnom ie. Föfför 17:26  
Uwa tumunufichi ai förük, ina popun ka ning. Könupin 139:14  
Uwa fakkun tichik ne förük non nenuken inom. Könupin 139:13  
Uwa oupwaketiw non ewe ran ka upwutiw. Könupin 71:6  
Rese pwäröchuei, ekkewe aramas rese sinei ei. John 8:41-44  
Ngang use tongomang ika towaw, use pwan songokai. Nge uwa pwäröchu ai tong ngonuk. 1 John 4:16  
Seni non pwusin unusen netipei Uwa mochen pwäri ngonuk unusen ai tong ngonuk. 1 John 3:1  
Pun en nei, nge Ngang Semom. 1 John 3:1  
A watte ai fang ngonuk nap seni semom won fonufan. Matthew 7:11  
Pun Ngang ewe Sam mi fakkun unusöch. Matthew 5:48  
Meinisin kewe niffang mei murinnö ra feito seni ne pei. James 1:17  
Ngang ewe Chon Awora ngonuk mettoch meinisin minne ka osupwang ren. Matthew 6:31-33  
Ai kokkot ngonuk faniten kana fansoun mwach, epwe awor omw epinukunuköch. Jeremiah 29:11  
Pun Uwa tongek ren ei tong ese mwuch. Jeremiah 31:3  
Ai kewe ekiek fanitom ussun chommongun foun piin aroset. Könupin 139:17-18  
Iwe Uwa pwapwa fanitom ren kön. Zepheniah 3:17  
Usap fakkun ukutiw ne föri men öch fanitom. Jeremiah 32:40  
Pun en ka fakkun auchea me rei. Exodus 19:5  
Uwa akköta seni non unusen netipei me nguni omw kopwe feffeita non omw pöchöchün. Jeremiah 32:41  
Uwa mochen pwäri ngonuk kewe mettoch mi fakkun amwarar. Jeremiah 33:3  
Ika ka kutta ei seni ren unusen netipom, iwe kopwe kuna ei. Deuteronomy 4:29  
Ika kopwe pwapwaiti Ngang, iwe upwe ngonuk met ka mochen. Könupin 37:4  
Pun Ngang uwa wisen ngonuk kei mochen. Philippians 2:13  
Uwa tufichin föri mettoch fanitom nap seni met ka ekieki. Ephesus 3:20  
Pung Ngang ewe Chon Apöchökünok mi napanap. 2 Thessalonica 2:16-17  
Pwan Ngang ewe Semenap a wisen echipok non om kewe riaffou meinisin. 2 Corinth 1:3-4

Nupwen a tatakis netipom uwa arap ngonuk. Könupin 34:18  
Ussun emön chon massen siip a uwei emön nam, uwa ekiik fän mwari. Isaiah 40:11  
Fan ew ran upwe tönano chönun mesom meinisin. Pwarata 21:3-4  
Upwe ne angei senuk meinisin kana weiris ka äni riaffou me won ewe fonufan. Pwarata 21:3-4  
Ngang Semom, iwe uwa tongek ussun uwa tongei nei we Jesus. John 17:23  
Pun non Jesus ai tong ngonuk a pwäpwänó. John 17:26  
Pun I a pwäranó wesewesen ussi me napanapei. Hebrew 1:3  
I a feito pwe epwe pwäranó pwe Ngang uwa akkangang fanitemi, nge usap ungeni kemi. Rome 8:31  
O epwe pwan ereni kemi pwe Usapw akkanneani om kewe tipis. 2 Corinth 5:18-19  
Jesus a mäno pwe en me Ngang sipwe chäfengen nefinach. 2 Corinth 5:18-19  
Än Jesus mäno a pwäröchunó unusen ai tong ngonuk. 1 John 4:10  
Uwa fanganó unusen minne uwa tongei pwe upwe tongeni winneneni om tong. Rome 8:31-32  
Ika ka angei ei niffang, nei we Jesus, ka pwan äni ei. 1 John 2:23  
Iwe ese pwan wor óch mettoch epwe chuwen aimusenuk ai we tong. Rome 8:38-39  
Niwin sefanito rei non imwei iwe upwe föri ew watte pari nang esa mwo kukkuna. Luke 15:7  
Ngang wesewesen ewe Semenap, pwan Ngang ewe Semenap feinfeino. Ephesus 3:14-15  
Ai kapaseis... met, kepwe emön nei? John 1:12-13  
Ngang, uwa chök witiwituk. Luke 15:11-32

*Uwa tongek, Sení Semom we,  
ewe God mí Unusen Manaman.*

Father's Love Letter used by permission Father Heart Communications Copyright 1999-2009  
[www.fathersloveletter.com](http://www.fathersloveletter.com) Translated by Roger & Amy Krum